

FOCSAk langile bat kaleratzea salatu dute UGT eta CCOOek

IRUNEA

Nafarroako UGT eta CCOO sindikatuek salatu egin dute Iruñeko FOCSA enpresak aldi baterako kontratatuta zegoen langile bati kontratua berzitatatu ez izana, eta «ezkutuko kaleratzea» dela argudiatu dute.

Iruñeko zaborra biltzen diharduen FOCSA enpresako sindikatuek diotenez, enpresak ez du inolako arrazoirik eman 18 hilabete lanean zera-matzen langile honi kontratua ez berzitzatzeko. Iturri berberrek azpimarratu dute kaleratze honekin batera, beste kontratazio batzuk egiten ari direla, enpresako langile eskasia dela eta. Iruñaldekoak ez diren langileak kontratatzea ere leporatzen diote sindikatuek enpresari, langabezia tasa handia dagoen hiriburu honetan lan egiteko.

Tubacexek hirukoiztu egingo ditu salmentak EEBBetan

GASTEIZ

Arabako 'Tubacex' enpresaren partaidetza % 20koa duen 'Salem Tubes' konpainia amerikarrak hirukoiztu egingo du bere fakturazioa datozen bost urteotan eta 130 milioi dolarretara (14.500 milioi pezeta) iristea aurikusten du. 1990. urtean, Salem Tubes-ek 40 milioi dolarretako fakturazioa izan zuen, amerikar merkatuaren % 20 hain zuzen.

Enpresa honen berezko hedakuntza eta sektoreko beste bi konpainia amerikar erostea dira hazkunde honen arrazoiak. Tubacex, bestalde, 15.000 tona ekoizten ditu eta urtebete bat darama hamabi amerikar enpresak hornitzen.

Bilcak kapitala bikoiztuko du hotel bat eraikitzeko

BILBO

Bilboko inmutable konpainia anonimoa den Bilca enpresako Akziodunen Batzar Nagusi Bereziak kapital soziala bikoiztea erabaki du, Sevillan bost izarretako hotelaren eraiketa finantziatu ahal izateko.

Kapitalaren zabaltzea 500 pezetako 352.672 akzio berrien plazaratzearekin egingo da eta 175 milioi pezetatik 352ra pasatuko da. Hotelaren eraiketa proiektuak 1.700 milioi pezetako aurrekontua dauka eta Bilboko konpainiak Euskal Herriak kanpora egingo duen lehena izango da.

Enpresen balantzeak eguneratzeko araua «posibleztat» jo du Zabaltzak

Euskal diputazioen arauak «Haziendaren jarrera oztopatzen» dutela esan du


Antonio Zabaltza Espainiako Hazienda Idazkariak Elkarteen Zergarako lege berriak Espainiako enpresen balantzeen eguneratzeko arautu lezakeela aitortu dio CEOE espainiar patronalari. Balantzeak eguneratzeko posibilitateaz Espainiako Haziendako arduradun batek hitzegiten duen lehenbiziko aldia da haxe.

MADRIL

Carlos Soltxaga Ekonomia ministroak egin zuen azken aldikoz kontu horri buruzko adierazpenik, Kongresu-Senatu bitariko Batzordeari Konpetitibitate Paktuari buruzko argibideak eman zizkionean, ekonomi agerkari baten informazioaren arabera.

Soltxagak bertan aipatu zuenez, «Gobernuak ez deritza egoki balantzeak eguneratzeko erregulazioa egiteari, amortizazio taula berriak egiteari nahikoa deritza eta».

Antonio Zabaltzak CEOEko arduradunekin izan zuen bileran, Ha-



Antonio Zabaltza.

EFE

zienda Idazkariak euskal diputazioek kontu honetaz egin zituzten araudiek «Haziendaren jarrera oztopatu» egin zutela aitortu zuen. Jakinaenez, EAEko diputazioek onartu egin zituzten enpresen balantzeen eguneratzeko buruzko arauak. Haziendako Ministeritzak errekurritu zituen eta berauen aplikazioa-

✓ **Balantzeak eguneratzeko posibilitateaz Espainiako Haziendako arduradun batek hitzegiten duen lehenbiziko aldia da haxe.**

ren kautelazko etendura ere eskatu zuen Auzitegietan. Haxe kautelazko etendurarako eskaria gaitzetsi zuten, arau haxe EAEan aplikatu daitezke, behin betiko epaiak zer dioten jakin bitartean.

Zabaltzak eta CEOEko buruzagien arteko bilkuran, Haziendako Idazkariak Elkarteen Zergari buruzko legea prestatzen denean eztabaida sakon bat egingo dela hitza eman zion patronalari, espainiar enpresari eskatzen duten balantzeen eguneratzeko buruz. Edozelan ere, hasiera batean horrelako neurri fiskalen aurkako jarrerari eutsi dioten PSOEko diputatuak hitzegin behar dute honetaz, ekonomi egunkariak ziurtatu duenez, EAJk helburu horrekin proiektu bat aurkeztu bait zuen Kongresuan.

Gipuzkoako GIITk 41 ikerkuntza proiektu egin zituen 1990ean

DONOSTIA

Gipuzkoako Ikasketa eta Ikerketa Teknikoetako Zentruko patronatuak 41 ikerketa proiektu egin zituen 1990. urtean. Zentru honek iazko ekitaldiari dagozkion balantze eta emaitza kontua onartu ditu berriki.

Jose Maria Bastero Gipuzkoako GIITko zuzendariak oso balorazio positiboa egin du zientzi arloko gestio plangintzaz, proiektuen kalitatea eta EAE eta bertako industriarako duten garrantzia kontutan izanda.

GIITk iaz egin zituen 41 proiektuetatik % 60 inguru enprekin elkar lanean egin ziren eta gainontzeko % 40 entitate publikoekin, batez ere Eusko Jaurlaritzaren babesaren bidez, eta baita Europa mailako proiektuak. Azken hauetaz, iazko ekitaldian, Gipuzkoako ikerketa zentru honek bederatzi europar proiektutan hartu zuen parte.

Ekonomi arloan, zentru honek laborategi berrien handitze lanetan aipagarriena mikroelektronika laborategia da, teknologi alderditik duen garrantziagatik. Laborategi honek industria aeronautikoan eta etxeko tresnetarako geroz eta hedatuago dauden 'pelikula meheko zentsoreak' egiten ditu. Zientzi alorrean aipatzekoa da Zentruko ikerkuntza zuzendaria den Manuel Fuentes irakaslea Finlandiako Mattech' 91 Konferentziko ohorezko kide izendatua izan dela eta Amerikako Ingeniari Mekanikoen Elkarteak Zentru honetako irakasleak aurkeztu zuten artikuluari emandako saria.



Irungo mugako trafikoa erabat normaldu da greba bukatu ondoren.

Irungo mugako langileen greba bukatuta, normaltasuna nagusi

DONOSTIA

Irungo Aduana agentzietako langileek lanari ekin zioten atzo, ostiral eta larunbatean burutu zuten grebaldiaren ondorioz. Geldialdi horrekin, Irungo mugako merkantzia trafikoa gestioan zuten agentzietako langileek protesta egin dute, 1993. urtean Europako Akta Bateratua indarrean hasten denean eta lurraldeen arteko mugak desagertzen direnean sektore honek izango dituen ageriko arazoengatik.

Pasa den ostiralean egin zuten asanbladan erabaki zuten bezalaxe, merkantzien esportazio eta inportazioarako gestio lanari ekin zioten berri ere langileek. Gestio erritmoa azkartu ere egin zen eta trafikoa arratsalderako arindu zen, bertan ze-

goen kamioi piloa gorabehera.

KOTXE TRAFIKOA DESBIDERATU

Ildo horretatik, Frantziako Errepublikaren Trafikorako Erakundeak (CNIR) Espainia eta Frantzia arteko mugarantz zihoazen ibilgailuak desbideratzeko operazioa jarri zuen martxan. Irungo mugako grebaren ondorioz sortutako kamioi pilaketagatik hartu zen neurri hori. Ondorioz, lau kilometro arteko ibilgailu iladak sortu ziren mugaz bi aldeetan. Frantziar agintaritzak 10 Nazionala hartzeko aholkua egin zien ibilgailu gidariei.

Atzo goizaldean egoera oso larria izan zen eta, grebak atzo bertan bukatu behar bazuen ere, hamar ordu behar izan ziren turismoen trafikoa erabat normaltzeko.

LABURREAN

BEAZ enpresa zentruaren lehendakari izendatu dute Bilbao

Bizkaiko Diputazioaren enpresa eta berrikuntza zentrua den BEAZ S.A. elkarteko lehendakari izendatu dute Ekonomia Sustapenerako eta Garapenerako Saileko diputatua den Jose Luis Bilbao. Era berean, elkartearen Administrazio Kontseiluak Javier Maqueda aukeratu du zuzendari gerente. Honen esanetan, BEAZen «enpresa berritzaileak» bultzatuko dira.

EGUR sektoreko hitzarmena sinatu dute Bizkaian

Bi urteko iraupena izango duen Bizkaiko egur sektorearen hitzarmena sinatu zuten atzo Bilbon negoziazio mahaia osatu duten ELA sindikatuak eta patronalak. Akordioaren arabera, aurtun % 8,1eko soldata igoera izango dute langileek eta Kontsumorako Prezio Indizea (KPI) % 6,5etik igotzen bada errebisatu ahal izango da. Urteko 5 lanorduko murrizketa ere jasotzen du. Datorren urtean, soldata igoera KPI + 1,5 puntuko izango da eta murriztuko diren orduak zazpi. Bizkaiko 500 langile eragingo ditu hitzarmenak.

ALTZAIRU

esportazioek % 27,5 egin zuten behera

Urtearen lehen bost hilabeteotan % 27,5 egin dute behera Espainiak egin dituen altzairu esportazioek, aurreko urteko datuekin alderatuta. Inportazioak, berriz, % 73,5 igo ziren, SIDERINSA enpresa siderurgikoen elkarteko iturriek aditzera eman dutenez. Datu hauen arabera, Espainian kontsumitzen den altzairu arruntaren % 22,6 kanpotik erosten da.

FAGOREK akordioa sinatu du Sesam konpainiarekin.

Arrasateko Kooperatiben taldeko partaidea den Fagor Sistemas ingenieritza sozietateak, SPM softwarea Estatu espainiarrean banatzeko akordioa sinatu du Sesam konpainia italiarrarekin. SPM softwarea Estatu Batuetako Salerno Manufacturing Systems enpresak koizten ditu eta Sesam italiarrak produktua Europa mailan banatzeko kontratu eksklusiboa dauka. Akordio hau Fagor Sistemak eta konpainia italiarrak sintautako elkarlanerako hitzarmenaren barruan kokatzen da.